

介之推不言禄

僖公二十四年

左传

晋侯赏从亡者。

文公反国、赏从亡之臣。

介之推不言禄、禄亦弗及。

介、姓。之、语助。推、名。介推亦在从亡中。未尝言禄、而文公颁禄、亦不及介推。

○先正多责推借正言以泄私怨。看此叙事、先书不言禄三字、便知推本自过人一等。

推曰、献公之子九人、唯君在矣。

八人皆死、唯文公独存。○一非人力。

惠、

怀无亲、外内弃之。

惠公、怀公、皆枝害无亲。外而诸侯、内而臣民、无不弃之。○二非人力。

天未绝晋、必将有主。

三非人力。

主

晋祀者、非君而谁。

四非人力。

天实置之、而二三子以为己力、不亦诬乎。

置、立也。○总断一笔。二

三子更有何说。

窃人之财、犹谓之盗。况贪天之功、以为己力乎。

再痛骂之、快极。

下义其罪、

上赏其奸。上下相蒙、难与处矣。

贪天之功、在人为罪、在国为奸。而下反以为义、上反以推赏、是上下相欺、难与一日并处于朝矣。○此即是归隐意、乃不言禄之由也。

其

母曰、盍亦求之、以死谁怼。

兑、○言何不自去求赏、即不求以死、将谁怨耶。○母特试之、故作相商语。

对曰、尤而效之、罪

又甚焉。

尤、过也。我以贪天者为过、今复效之、则我之罪、又甚于彼矣。

且出怨言、不食其食。

看推自亦认有怨言、何劳后人又责其怨。

其母曰、

亦使知之、若何。

母特再试之、故再作相商语。○上是试以求利、此是试以求名。

对曰、言、身之文也。身将隐、焉烟、用文

之、是求显也。

人之有言、所以文饰其身。吾身将隐于山林、何用假言辞以文饰之。若自言之、是非隐而求显也。○上是不欲享其利、此是不欲享其名。

其母曰、能如是乎、

细玩此四字、乃知其母上二番特试之也。

与汝偕隐。

有此贤母、故能成子之高。

遂隐而死。

不言禄、结案。

晋侯求之不获、以绵上为

之田。

绵上、西河地名。以此为介推供祭之田。

曰、以志吾过、且旌善人。

志、记也。旌、表也。言以此田记吾禄不及推之过、且表推不言禄之善也。○禄亦弗及、结案。

晋文反国之初、从行诸臣、骈首争功、有市人之所以不忍者。而介推独超然众纷之外、孰谓此时而有此人乎。是宜百世之后、闻其风者、犹咨嗟叹息不能已也。篇中三提其母、作三样写法。介推之高、其母成之欤。